

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 30 1940

T5463/1122(9)

9



淡烟流水人家  
古道西风瘦马  
夕阳西下  
断肠人在天涯

天净沙 秋思 元好问

枯藤老树昏鸦  
小桥流水人家  
古道西风瘦马  
夕阳西下  
断肠人在天涯

U



西齋壬申詩

興化王仲儒景州著

鶴巖楚嵐  
庭且碩

歲首雜詩

我行遂羸老卽事少欣豫春風吹蓬門漠漠冰雪  
去晨雞俄三號昨夕那不除古堂拜前人生存此  
中住容輝久冥冥言笑焉可遇西日誠易頽東流  
長傾注知無百年身何用煎百慮總角小兒女轉  
眄髮垂素爲樂諒已遲多憂寧非誤

哈佛大學漢和  
圖書館珍藏印



華燭承明星初日來庭軒家人上下集身老分亦  
尊拜賀雖從俗禮節古所敦緬懷去年時守水臥  
遙村心飛此堂上悄悄傷我魂羨彼寒雁翔無由  
共騰騫昔如適異域今也返故園移時復陳迹世  
事何足論

朝暉升東隅雲散光皓杲冷風蕩層陰滋漫上晴  
吳方中陽忽微鬱儀不自保鼓奏嗇夫馳焉能裨  
大造天宇一慘淡竟夕沙浩浩歲朔辰弗輯告凶  
亦何早

古人勿爲煩此意我所欽奈何嬰世網無以戒其  
心有求卽禍機寧淡火不侵寒威謝淑氣王正半  
晴陰簫管四鄰動漸已暄春禽忘形四五人薄暮  
還相尋百年少暇逸爲歡宜在今貧窮既有命空  
復營黃金乃爲鬼所笑妨我抱膝吟

已營最高樓復展良夜歡張燈及令節命酒羅春  
盤四座蒙輝光主人大宴安白云平生願致此良  
亦難聊用相娛樂布護幸苟完夏蟲介其側夥頤  
興嗟歎



果熟皮實蠹木古枝柯朽百計莫能逃諸病赴老  
醜苟非甚毒疾加我怡然受捫足指其中鬼乎莫  
須有不望至兩府但不良於走肩輿人得乘曾辨  
等威否乘車猶乘舟乘舟豈顏厚何誰來謂讓汝  
匪大夫後此無與老夫鬼也受其咎

生計百端拙所期獨年豐人情饒錯迕天心與之  
同燥濕乖其宜昨歲篝車空遠送鯨濤來宿我腴  
田中焉能滋稷稻惟應盛蒿蓬告成雖失西有作  
還秩東一家三十口性命由康功自從春氣動無

日無厲風鳴條非休徵拔木何匆匆吾眼暗已久  
兩耳偏未聾

形神實疲敝膠擾爲身憂欲謝鄉井去言就岩巒  
幽編茅架蒼竹拓牖俯碧流庭中多奇樹華滋春  
復秋寒芳亦未歇花事適已周垂釣可得魚漉酒  
非無芻茗蔬與肴核所須皆易謀意愜吟新詩昏  
默延真搜唐許彼何哉僊僊吾歸休造物聞之怒  
此豈汝得求

十三日宋旣庭招飲



老去逢春意轉哀魚龍佳節一追陪  
三霄璧月初昏挂九陌銀花往歲開  
水變橋門城接海鴻號邑里客傳杯  
廣文自可留人醉小范祠邊悵望回

二十七日載錫書來得禹長凶問

那得傳斯信令余傷寸心移時如有失  
一慟忽然深四海幾兄弟兩人俄古今  
封書曉纔發還說便相尋

開眼皇天在殘生白日低人亡諸事好  
念起萬行啼管鮑交疑絕彭殤理孰齊  
合投僧舍去拄杖忘

東西

病自京華得歸來後肅霜火炎無潤下  
陰破不迴陽家累紛猶在人情薄可傷  
攢眉何限話大雪坐深堂

汝病時方劇吾因送歲歸一時分浦雁  
萬古各天飛忍過文樓里須留北郭扉

金佳文樓街余寓天寧寺向飲城中卽宿

其眼枯垂血盡如雨又霑衣

復及楚珩琢山芹川槐江勿齋携具飲大村

海棠下



再來沽酒趁天晴，攜客橋南小徑行。  
一樹亂紅渾未謝，羣花新綠已俱生。  
不妨艷處無香氣，但惜開時後月明。  
莫問主人誰復是，追歡何限老年情。

訪喬雲漸

白田非遠道，今日泊河干。  
久恨來何晚，前知去不難。  
相逢悲短髮，昔別向長安。  
五歲高齋色，春光又欲闌。

瀟灑人羣外，乾坤尚有君。  
百年吾得見，萬古世空聞。  
杖引相隨月，堂留自度雲。  
老身饒酒病，香茗會

全分

訪喬石林

遠浦多年路，春融始蕩舟。  
草青飛鷺鷥，駒白憶公侯。  
法曲容吾聽，傳書任客求。  
索居懷舊好，身老倍牽愁。

甚雨分江郭，奔湍送歲華。  
愁心空視草，老眼漸生花。  
那算無窮事，真成着處家。  
相過破惆悵，林影莫東斜。

和汪北阜九言詩贈喬大



去年雲堂先生七十時時正淮南叢桂飄香藥幾  
番欲棹扁舟來就君其奈世務牽人不由已舉頭  
新月看到七廻明總計經年別後五屈指定交以  
還四十有八歲冬春一樣相代如流水自古人生  
終契幾滿百便至期頤迅疾亦如此衣帶盈盈契  
濶真可憐白田似隔滄浪千萬里清明穀雨轉盼  
已復過桃花柳花漂墮吹不起放船前日西行入  
浩漕旁風暴作有帆孰敢使三朝簸蕩人力終勝  
天我與先生一笑斜陽裏先生顏色大好勝疇曩

開眼能復見物尤可喜離侬無限苑結欲盡宣接  
膝良久翻忘其所以迴身向床急取一卷書墨瀋  
橫斜已透數重紙新來花鳥纔及暮之春百篇竟  
爾一一諧宮徵意愜真關飛動接混茫清猶霜鶴  
曉唳芳湘芷舟中累日沙土雜坐臥頓令懷抱淵  
澄化吾鄙夙昔曾貪蘿芥滿貯既平生所愛彝鼎  
仍羅几青蒼古鬱窓前二小松宛如侍立左右雙  
童子便勅厨娘供給美肴膳旋命前堂安歇敝行  
李斯堂廿年止宿偕吾弟卽世所稱留雲之堂是



緬懷狂呼爛醉彼何人傷哉朱三喬二先後死生  
者或去或來或已仕獨悲陳生貧困真衰矣從來  
乍聚乍散不可常先生留雲之堂亦屢徙鼠牙雀  
角當歲不有秋詩書在腹那覓一錢市直教華屋  
丹甍燕甯飛仍苦支左詘右絲難理收拾萬間廣  
厦大庇心聊可深林一枝暮斜倚空餘皎潔天真  
磨不磷自信光芒終古無塵滓迴首甲乙之際谷  
爲陵異縣主賓情好誰堪比晚節頭角崢嶸抱好  
兒今與阿翁當日齊年齒我爲老客來吟感舊詩  
未能超超縣解觀無始蒙吏天倪曼衍以窮年惟  
有先生深知其意耳

贈喬敷四

湖城繫艇感茫茫衣帶何緣隔兩鄉死別聲吞年  
屢換生芻事闕恨空長謂其尊人列仙風驚獨夜  
難終夢花謝濃春又悼凶喬有姬人之戚却咏新  
詩贈行客深憑瑤卓壓輕裝

兩世交期五十春回頭多愧百年身勝衣三樨成  
衰老弱冠朋儕半古人迴野天垂悲避地滄溟力



淺見揚塵扁舟有約來休夏伯叔君家並比鄰

別雲堂

三月十九日立夏

襪被雲堂西牖邊深杯絡繹到離筵好春易去還  
三月此日難忘半百年數往但逢新壘燕重來應  
放小湖蓮人生聚散猶堪念斜倚秦亭下水船

送李亮臣入都

揚州初夏風日好竹笋鱗魚上筵早諸公分日爲  
遨遊家家不遺城北老此老襪被落城北已隔城  
扉况遠道酒酣興極無還期何處醉眠劇堪惱近

來誰家似我家眼中意厚松嵐少高齋穩臥真恣  
意六時鼯呼失天曉十日七日留我住復羅俊味  
寫清醪諸郎懽喜僮僕恭別去每忘言瀆擾定交  
夙昔二十載我髭如鶴毛衣縞秉燭爲樂恐後人  
人生飄瞥一過烏松嵐才力正強健昨宰盱江坐  
江表勝情豪舉稱青鬢瀟灑簡易從蒼昊而今  
聖朝典寬大輸錢上粟因騰矯卽看鴛鴻行又接  
遂使林泉跡如埽片帆高揭北渡河芒種南風殊  
不小辰良當發走相送隨船私羨遙堤草京華故



舊半綸閣逢迎會問吾潦倒但可新詩附人來千  
古貧交憶齊鮑

坐閔曠齋書案口占

酒氣朝浮面衰容午據床羣書堆淨案獨樹落閒  
房世事殘春過朋情隔歲長興來吟短句此意亦  
難忘

閔在東招集許園之曉參堂限韻

萬木城角天半參熟梅深雨綠烟含論詩欲廢齊  
梁體角奕如爭周宋鐔杖杜何年生道左連峯今

日過江南

謂其恭蒞聞

主人名飲樽難倒肯信初

筵客已酣

北郭西郊多少路畫船來往送年光空餘酒肉霑  
僮僕豈有烟波接混茫仲叔新詩殊自健賓朋暇  
日好相將醉中莫引金臺典此是平輿太史堂

送魏子質宰漳平

君能繩武登高第此日之官綰邑符山入閩天長  
不斷烟迷漲海近全無訟庭花落眠霜鶴城闕鐘  
疎下雪鳧大有玻璃來屬國早分清照乞狂夫



司馬大名章疏在文孫霄漢再聯翩虎爭往事勞  
千慮龍起興朝得九邊他日夕垣仍對命而今仙  
令暫鳴弦煩君試向新羅問尚有陳淳幾輩賢

錢登士善士鶴山招集許園坐雨次鶴山韻  
遠尋羈客移舟至緩踏深泥策杖來東道苦遭高  
興發西郊難遣密雲開滄波湛湛連山雨白髮競  
競似海杯芒種已過方短夜不愁烟寺暮鐘催  
一夕歡場抵萬金百年欣慨易交心如雲墨綬西  
園出轉粟青天北道深秦塞麥陂全滌滌楚江梅

雨尚沉沉誰容爛醉吾曹占真宰垂慈匪自今

五月朔早起聽梵

襪被近安禪層樓未曙天酒醒孤磬發星爛萬家  
眠貝葉同文外空花浩劫前移時驗羣動海日在  
東圓

與李詞臣

李生日悼亾特甚故詩云爾

遠隔城闌似野墟寺樓晨起一鐘疎黃梅好雨新  
霑足碧樹高齋舊寓居幾日酒痕燒燭外滿身山  
色過江初何當紫蛤鮮供饌便剖臨湖掉尾魚



茂林一寺作寒聲物變驚心念友生燕壘添雅  
語細龍舟移棹晚筵輕空教飽看樓頭樹三  
居海畔城莫爲離鴻重惆悵向來吾亦最傷情

張山來招觀競渡分韻

展響出雙林乘流赴遠尋海飛東井日江見左徒  
心接舫來香氣鳴鉦亂鼓音此間宜痛飲底事更  
微吟

端午竹枝詞

揚州也有曲江頭皓齒朱唇日日遊東舍西家忙

不了菖蒲香裏看龍舟

青簾白舫大張筵玉饌金杯事事鮮可惜朱明無  
限費不輸西邸作官錢

鵝鴨雞猪曉市空金盞玉鱠太怱怱諸般海錯拚  
錢買不在吳娘俊味中

飛雲飛鳥颺風旗端午從來競水嬉金鼓忽喧人  
盡望船梢倒挂小童兒

揚子江頭長大潮東關門外畫旗搖追遊不向紅  
橋去閒殺城西柳萬條



黃金壩口午時天坐倚朱闌喚長年只傍衣香雲  
影住此來不爲看龍船

紈扇羅巾自在拈柔莢素手出纖纖誰教玉貌蒙  
烟霧懊惱船頭玳瑁簾

蛾眉知是阿誰家翠釧瑤環籠素紗忽揭珠簾全  
露面人人爭指白蓮花

小語流鶯轉百迴芙蓉花瓣笑時開遊人那得紛  
如蟻誤却燒香上五臺

忽憶懷沙爲楚吟吳兒解水沒波心廣陵江在湘

江北爭似湘江

樣深

贈程載錫

烟帆昨未挂南津上已纔過憶此辰半世我無娛  
老計百年君是日強身看天滿引愁邊酒墮地惟  
知塞外春一自追隨成雁序星霜難改舊松筠  
霏霏小雨梵王樓寂寂吟詩獨客愁望絕雲霄笈  
困鳳闥輸村落笠隨牛三春送節翻紅藥百感傷  
人變黑頭女未有家兒未抱祇應生事類虛舟

喬無功贈詩次和



曾臨清漢歎無梁爲客年來臥下牀世路愁人應  
計拙君才倍我况身強殘星磊落青雲士上日歡  
娛白玉堂別緒如絲今乍理髣毛看熟豈新霜

自郡還舟中作

可恠殘生事居然鞅掌中裘囊寒盛夏酒食困衰  
翁野落尋常水帆爭一半風紆迴初問路失笑類  
飄蓬

宇宙有終極人生徒自勞頽瀾爭就下空碧失憑  
高世遂營簪紱天應絕羽毛安常破拘束轉復興

滔滔

未肯送歸舟北風吹不休野陰宵度月涼氣曉成  
秋計拙難高臥年侵易倦遊遠林一回首長日靜  
空樓

忽近孟城泊心傷舊酒徒未亾皆老病辱在是泥  
塗市醞嘗仍好文場會更無生涯常水次寂寞憫  
孱軀

却和舍弟初夏閒居

今年星火入殘春開徧將離浴佛辰汝自閒居吟



好句我方蕭寺作勞人鼓鐘昏旦聞猶斃城郭朋  
交醉已頻執熱歸來逢臥疾把詩回首獨驚神  
遙憐乳燕出巢飛會是初暄曳薄衣雨過問奴還  
問婢晝長開卷不開扉諸公日下車相逐老客烟  
中棹未歸壓架紫藤花藥亂誰言春去罷芳菲  
空樓昨對夕陽時故里風光有所思荷芰繞城浮  
小葉柴荆飛絮惹游絲青秧南浦應初插碧樹西  
堂是乍移老日離家心自苦何年真賦隱居詩  
舍弟別開宅門大村貽詩勸勉述此奉答

昔我適天南有作君倘記兄弟無三人兩身是一  
氣敝廬先人遺東西雖定位名爲某得有實則隨  
所寄我之結髮人存沒在東第當時共釜甑宅久  
隸我弟慈顏一以背傷哉吾須避熒熒黃口遷凜  
凜黑風吹紅爐東堂列練嬰西堂出先君居不改  
小巷往來易到今十七年門設亦不閉我老更行  
游焉能料家事兒女失母氏訓戒固弗備賴有叔  
父母等之父母視由來荷撫愛成長猶弱穉違言  
兄妹間一笑省窮治郵書說分宅防患有微意遠



謝裴叔賢詎忘張公義顧余多在外臧獲善鬪詈  
難明曲直案頗藉彼我執奴乎何足恤恐貽兩主  
累折柳樊吾圃孰君之士戲西偏一室虛日落人  
罕至飛來野鴛鴦於斯覓牀第已難掩蹤跡未得  
指名字因之重防閑周垣庶可蔽復書曰可哉惟  
弟所布置我歸正勤雨下下田宜歲三朝雨盈尺  
駭聽又心悸土木雖小役亦減庖厨費舊貫合且  
仍理生要熟計弟謂兄言然吾擇此年利對宇况  
跬步式好何曾異老來怕毒熱惚恍長昏寐起行  
忽面墻心酸眼含淚周親感疇曩惻愴見清製孔  
懷君莫疑三歎吾後世

黃藍孕七十賦二十韻

今日颺高義聞風駭陋儒世間朋友重天際羽儀  
孤著族名家乘先生偉丈夫穆皇遺赤驥軒后落  
元珠道德三才貫心胸萬象蘇砥波何突兀介石  
在須臾回幹兵刑靖崩奔罔兩呼從容嬰急難談  
笑走危途諾立黃金裏恩流紫塞隅伏戎皆妥帖  
習坎不崎嶇智炯曦兼月仁通虎與貍誰與能報



李受者失嘗茶更僕人傳甚如公我見無向來分  
半席一往得中孚鄉黨尊龍腹兒孫出鳳雛東方  
千騎擁左海百城圖令節芙蓉桂 熙朝憶顧厨  
蟾輝連夜麗鷓列應時趨客老詩能作秋佳酒滿  
沽歌吟傾雪甕激灑濺霜鬚

寄答喬雲漸兼餉西瓜

信往書空附船歸詩更來深知抱膝處淺把到脣  
杯露砌雙松健風窓四面開今年倍炎熱去鷓未  
應催 時約過石林不果

性不因人熱如焚獨耐天勸奴加麥飯移艇就瓜  
田雨少空花落蟲多敗蔓牽殷紅能有幾送到井  
闌邊

毒熱

蓮社三時住萸灣一葉歸小堂開北牖終日閉南  
扉病有相如渴人憎郭重肥太陰真竄伏喘息受  
炎威

閔雨方凝望爲霖忽耿憂一年兼水旱萬慮逼山  
丘燕是朱門客駒無赤汗流眼前能快意惟颯井



梧秋

再求雨後種翻罄甕中糧一望成衰草兼旬在熱  
湯餓將憐婢瘦貧實礙吾狂企脚終朝臥焉能到  
上皇

十日疎朋舊殘陽一笑同氣衰身早臥酒醒月方  
中徑草無凝露瓶花不倚風金烏將吐焰只在碧  
天東

陡覺衰無賴難支毒熱年背瘍蠅競集首疾蟻休  
傳短歎隨長晝肥家望瘦田何當秋野淨一雁到

霜前

暑令時當謝涼風雨暫生魑狂迴健步天黑亂殘  
更近曉秋將到從西路幾程蓐收須趣駕堪念老  
翁情

己巳季楚珩生日余贈之詩去歲屬爲重書  
因附一首今又欲改錄錄竟忽然有感作  
此

又向新秋把舊吟隔年情緒已勝今神方繆檢長  
生藥衰氣潛危短夜心世路波瀾誰底石天行炎



火正流金感懷不及懸弧事誦向君前爲賞音

附巳巳辛未詩

老夫憚暑舟遲發得及新涼趁酒徒五日便當

牛女會一門雙羨鯉庭趨班香宋艷傳江介楚

芟聞蘭滿坐隅好是茆堂相接近長年多暇展

歡娛

重披三暑贈君詩今夕情懷又一時朔雪總摧

嘉卉盡春暉半向夜臺移填詞世益稱流宕埤

醉吾當避指麾江縣歸逢早秋閏涼風細傍晚

筵吹

七夕集階文棗園和舍弟韻

如鏡滄池遶宅斜高藤弱柳綠交加笑嘗東海夫  
人菜驚見南軒木筆花好景園林宜醉客尊官綸

閣可懷家明河厭說雙星事只益秋風老歲華時  
放辛夷一花而烹淡菜

同人集北臺和舍弟韻

碧樹蒼陂落西北丹甍粉堞眺南東秋來乍有開  
懷日高處全當到面風綺散叢花翻露葉縷飛鮮  
鱸出春葱酒酣瀾漫生離思勃碣仇池夕照中謂  
張福清明府孔東塘博士

促織和李久菴

生微猶振羽託命此庭陰日落如多感秋來最苦



吟遠鴻千里應高枕五更深永謝鳴機婦空驚老  
客心

早起

遠舍雞聲裏空堂着老夫百年拋穩臥萬里謝長  
驅幙動風微起詩成月漸無語蛩在陰砌相伴未  
全孤

秋感

蒼然秋落此乾坤暑氣潛隨逝水奔四序平分剛  
白露百年垂暮向黃昏心傷筋力探奇乏迹付蓬

蒿養拙尊中酒蕭晨閒凭几羅羅花影度南軒

炎蒸肩背苦多瘡脚疾秋來問藥方老不能辭猶

望健生誰非寄敢求長計疎廢著餘空橐才薄耽

吟負草堂獨愛滿檐天宇碧垂簾終日漾清光

涼秋風日日清佳去日匆匆未放懷老馬春遙思

首蒼賓鴻霜近響江淮貧餘喜客錢仍散夢短逢

歡事亦乖飽飯拋書貪冥坐居然槁木據蕭齋

年來絕意近榮名老眼纔能勝喪明况復泥涂雙

脚軟難追霄漢衆人行清秋漸杪愁繡曆濁酒頻



深誤養生何日山中一茅屋短籬真對碧溪橫  
生涯世事兩艱難失望籌車莫永歎秦地雜烹人  
畜肉薊門爭拜米鹽官私慙高燭深杯醉遠怯窮  
途凍雪寒舊業凋零無藉在癡兒嬌女眼愁看  
羣星爭出夜徘徊飢毀氛殺似未開 聖主殷憂  
原貴粟言官忠計特生財如封邯淡虛名里欲顯  
懷清再築臺足國竟無加賦苦堯湯千古澹沉災  
燕齊閩越路悠悠昔歲車航浪出遊時過祇今長  
作客數奇從古不封侯千重駭浪翻鮫穴八月高

笳嘯鳳樓回首壯心隨斷柳問憑天末數清秋  
故人京口遙相遲短棹江頭久自慵佳節屢過今  
九日繁霜一降又三冬山腰寺出寒流轉帆脚風  
迴急浪春此地烟光絕明麗會凌高頂看朝宗

贈蓼庵大師卽送遊燕

海國盲風吹白頭相逢蓬巷感同遊語來歷歷前  
因在別後匆匆半世休斬草故山應結構棲岩晚  
計尚沉浮彌天道路原空濶阿育行香莫便留

感懷



羲御無停輪秋節倏云季炎威杳何之緬憶尚心  
悸晨風戒前路荒渚衰荷瘁物華漸以歇羸老其  
堪勤飛飛鴻雁賓漠漠沙磧至既有稻梁謀焉能  
長休憩

仲夏思休居水澀帆尚揭信宿荒途間疎風散微  
熱還家逢初度掩扉免磬折凍雨二尺強天澤孰  
云竭一氣俄如熱萬物盡欲燹赤日爲洪鑪三旬  
燄弗滅不露嘉種枯無漿厚地裂隴畝秋蕭條我  
倉竟空閉霜前嗟屢空何以歷冰雪抹災如望歲

父母乃曩哲

中原昔羣盜乾旱構茲苦五六十年来西陲又勤  
雨殷鑒非他州請觀米脂瞽貧人死勿論其毒徧  
大戶珠玉猶嚴粧骨在皮肉腐生持千黃金不換  
脫粟煮宵旰憂今皇哀雁子集汝名器不敢愛所  
冀實倉庾官階是何物奔走破家取居然類恤鄰  
忽使世風古

飲家友湄宅別宿寓庵枕上作

酒醒月白似天明岑寂僧蘭獨夜情昔醉春湖年



盛壯老來烟艇路縱橫霜髭燭照容輝變病脚人  
扶巷陌生綵筆續紛下泉客亂雲嫖忽使心驚謂  
陳青蘊蔣雉衡吳萬子李鄴如

卽席送家太僕弟入都

又向東華踏軟塵清霜黃菊眼中新貳公不忝三  
孤後萬里全歸百戰身去驛烟巒羅魯塞行厨坭  
蕭富天津聖朝伯回須君人宛馬爭肥苜蓿春  
深堂畫燭夜遲遲畏說蕭晨鷁首移老日自憐麋  
鹿性祖筵先唱眷令詩關河好月還如此箏笛清

歌復對誰想見殊方數更漏歡場回首倍淒其

送家臣哉弟往山東席上作

賢兄京國汝山東川陸過淮路不同奧府獨行麟  
閣下明湖新坐鴈聲中當筵激楚餘悲調歸日歌  
齊是大風若向蓬萊看海市周郎相見旅愁空

止秦郵十日宿曹協五宅八日矣畱此以別

憶別金門闌畔船新霜會面五迎年留人欵欵秋  
燈地中酒沉沉夏屋眠委婉朋情能不戀衰遲世  
務苦相牽滄津甕水如衣帶去埽蓬門倚碧天



張慎儀三十

不忝家聲相里張烏衣吾獨愧諸王春華秋實繁  
文苑銀燭金尊艷醉鄉萬選早知爲國寶十年方  
許曰身強白頭老客來歡笑菊入層軒也帶霜

枕上作

經旬襍被又將迴獨臥空樓眼易開驟雨催寒窗  
外下高鐘報旦枕傷來夢魂惚恍連孤雁時夢亾  
妻花事匆忙憶遠梅彈指流年成一笑爲誰疲  
此堪哀

心魂到老役艱辛乍得爲歡迹又陳短褐潛行黃

葉寺諸天暗笑白頭人待完婚嫁知何日直似秋

冬盡此身

用莊子其殺如秋冬語猶有孤村勝湖

外一竿烟雨去垂綸

舍弟臥疾五首

客裏逢家信徘徊傷我神從兄惟一弟同父更無  
人頗識忌憂理初非善病身遠天傳伏枕邁厲此  
何因

看汝遂垂老嗟吾未卽歸原鴿須好在渚雁莫分



飛夢去天倫樂年來生事微草心剛一寸還擬報  
春暉

汝病應通汗如何食肉糜老將身試藥少悔業非  
醫嬌女遊深巷貧妻抱幼兒孟冬庭院寂寒日不  
遲遲

脉旣昧五色垣真隔一方世人空短折何處覓長  
桑大藥資原乏還丹意更荒山雷君子象慎節兩  
言良

命不應長絕臨危又却迴細詢初委頓轉幸未歸

來澹泊新良食肥甘舊禍胎念君因自省此腹豈  
無災

寄荅金沙于佛肩

霜鶴飛飛渡海水高騫那及三足鳥寒兔斜蹲夜  
光腹邈隔行地生馬駒胎仙汗血倏焉逝惟有烏  
跋兔顧晝夜輪天衢遠者轉以親邇者轉以疎我  
心如日月遠邇誰能區于郎正在大江外坐弄柔  
翰觀羣書或擁芳樽挾妙妓袒跣格五狂叫呼而  
我一燈巖漏下缺月側挂庭東隅伸臂莫能奮六



翻曳脚失踏浮雲車支頤脉脉憶疇曩紛綸百緒  
增煩紆二十年前客湖縣汝方少俊未長鬚宴娛  
調笑極縱恣薰香滅燭何事無令弟乘龍奏穠李  
阿兄求凰彈槁梧小樓俯瞰姚冶女自詫陌上逢  
羅敷新愁陳迹似落葉雪霰我遽遮頭顱白門吳  
州一再見依稀記得剛須臾今秋巴牋墮茅屋纍  
纍錦字秦胡珠淹遲厚意久不報烟餐野宿常旅  
途漫賦木瓜趁南雁心傷弱冠初廁儒從來烈士  
死知己短檝溷伏良與鴛鴦遭九方賞神駿先路

肯使充申驅豈虞一蹶更不振已甘遠放眠青蕪  
有時長嘶絕哀痛向者剪拂恩忍辜師阡宿草幾  
回綠絮酒猶闕陳生芻多春君又悼同父昨聞婚  
嫁催遺孤我逃制科愛詩律幽憂閒肆非時須浩  
歌欲就淚盈把行間篇末全霑濡人生出處各努  
力君也渥注之種青田籬早晚凌霄籟雲去風聽  
和鳴歡老夫

三石舅氏七十

十霜曾作誦拜手進耆年不覺雙丸速俄驚一紀



連白門依舊闕黃髮向高天笑擘麒麟脯麻姑坐  
酒邊

北堂初學佛舅氏亦依僧曰老今方屆吾親總未  
能砌花滋蒼荀窗鳥下迦陵更得還丹要寒天氣  
似蒸

吳大兄北海生日偶贈

細雨纔藏日微風不作寒辰當中呂降酒覓弟兄  
歡晚節高松栢餘芳長蕙蘭容輝驚更壯炳燭重  
相看

中兄如棣萼自出卽連枝不有諸姑子真成雋不  
疑老來身獨健少小日相隨轉盼趨王命家園住  
幾時

三輔明清吏前時畫省郎在官惟執法歸里但空  
囊此去何州幸由來布澤長還應容表弟瀟灑醉  
他鄉

夜闌

十月初陽動孤衾永夜闌鄰雞慵續唱廟鼓發嚴  
寒鴻鴈長羈旅蛟龍正鬱蟠老來生理薄無計獨



懷安

寒飈吹屋後暗月去庭中鼠走虛堂黑鳥飛遠海  
紅稻梁家未足書劍水頻通曉色憐童子吟詩學  
老翁

幼見江柱六歲誦毛詩

泊舟南亭

日沒波澄月有光孤村十里駐危檣天風近臘翻  
和暖地理多春只渺茫後死幾悲荒草宿前因都  
逐斷蓬揚移時瞻望船頭立清露何緣遽滿裳

與吳陵老友樊太和

西頽野日白茫茫斷岸平橋舊館傍樹老風凋枝  
葉翠人衰雪變鬢毛蒼驚寒鴈語迷空碧擊水鵬  
雲隱大荒肯信行年垂六十曾先弱冠上君堂

陳丹文席上賦得夜鐘殘月鴈歸聲

炳燭相將勝地行忽聽林杪鴈鴻聲風傳梵響俄  
高起野淡霜華竟遠征浩蕩未安賓旅夜因依淡  
荷主人情歲寒不是歸飛候海鶴江鷗盡弟兄

簡俞錦泉

春船艤岸雪吹花信宿燈光散麗華別日總迷窮



叟路寒天重到舍人家老身病脚行難遠樂事關心與轉賒爲報高堂將曲宴層城羨煞碧油車

寄荅西川楊耐菴

高秋對酒中郎宅缺月欹簷下浣時異國投人如擇木新都繼世幾分支泥途役役心何已經筇便便腹正垂江海寒霜催改歲老懷陴惻爾應知

歲晚

霜晨掩荆扉歲晚聊晏處過雁多悲鳴往者並羈旅霏霏林間雪沉沉烟中雨及我同心人懷抱靡

弗吐寧知別須臾杳杳判終古衰骨益以頽大藥在何許仰觀白日流修轍誰能阻

駿馬寒鳴嘶飲決雕弓張廣斥在大東堪爲技獵場野草枯盡刈狐兔安所藏藪澤何漫漫中多鹿豕麀或振側目鷹亦嘯鼃尾狼逐禽得上殺燎火趣舉觴吾人正淹抑從之意飛揚老苦腰臂痛呻吟起扶床縱有馳驟期可歎非身強

玄雲亂相羣朔風一何厲殘曆無幾時星迴又改歲六十心久驚明明隨春至韋布投分淡周旋胡



由離尚友蓬蒿賢靈爽恐遐棄立名里巷中誰爲  
青雲士低徊對寒燈感歎昨日逝

少悔有所成老悔竟何益顛毛吹寒霜弱痺到腰  
鄰吾形旣不逮景光去尤疾平生苦涉獵學業匪  
專一錯出難名家岐路有牽率昏忘近彌甚纔得  
已復失擁爐南窗下盼睐送白日良時無再來回  
首空喑喑

今冬非客居中情豈槁木閉房耿篝燈寒夜仍獨  
宿被酒量未克酣臥不得足展轉嚴漏中霜華已

生屋折梅插瓦餅凍藥尚瑟縮有約束皇來仙馭  
誰爲速

我生不善飲跂及由小學沉湎幾百迴往往如中  
惡古人慎所習衆善胡獨却口腹累此心修名悞  
狂藥身老無可用蒸濕滿維絡腸腐亦有年孽豈  
自今作君看膏火煎猶能變丘壑賢聖雖同盡病  
亦匪克樂昨聞良友箴涓滴姑細酌世事須遁逃  
醉鄉吾終託

老態



老態兼醒醉寒房憚寢興歲殘人計日春動野流  
冰善病思真訣單栖像一僧貧家逢送臘作樂獨  
無能

寄許未菴

其長君眉右北部赴選時屬客致  
余請公詩

連山霽雪暮招尋首夏來過阻盍簪太史端居門  
寂寂仙郎共語院沉沉浮踪去住渾無定別緒嬋  
媛久不禁馬首北時曾有約徑須重到索高吟  
今代稱詩豈乏賢檀槽爭拂玉琴弦雲霄有作容  
吾誦琬琰須鐫與世傳歲晚且耽湖上臥江春欲

放海西船封書問訊如清暇好向高齋乞靜便

李

西駿期往南沙

寄方鎔在

曲江競渡午船開招手朱闌惜別催暑雨儵更平  
野雪春光又漏小園梅歸因媾嫁難留戀坐想賓  
朋恣往廻漸逼歲除心緒亂書憑沙雁却飛來

東陽昨遇黃高士

謂黃儀逋

爲道隨君訪客亭豈

料一肩潛過埭空投雙樹寂聞經名園休夏心長  
往別館衝寒酒半醒相對論才淡健羨未披佳句



眼先青

寄張其相慎儀

秋冬兩泊寒河岸信宿俄開謝  
隸舟莫雁乘龍殊太急繫羊牽犬又何求  
年荒醇酎拋升斗米盡花鈿  
換豆區爲報輔吳羣從道逼除曾否念同遊

迎春

乾坤埋炤類遺民敝帽深慙折  
角巾生事已如將送歲年華何苦倏  
迎春土牛田鼓聲容舊幼女童  
兒意態新燮理三公應不忝西成  
平秩慰艱辛

題黃研旅秋山歇馬圖

瑰偉當時傑何由展妙才獨尋孤石坐  
纔跨一驄來故國深江水高勳寄鼎台  
相逢霜信後圖書復新開

除夕

早起虔家祭今朝歲卽除老懷驚序變  
長物似交疎綠酒年年債青燈夜夜書  
獨憐滄海日辛苦逐奔車

已及殷宗筭過頭六十年傳杯吾在後  
檢曆孰居



前但合沉沉飲還須晏晏眠老誰能益壯罷問最  
高天







